

oder meinen guten willen erzeiget / das sie es
mehr vnd besser machen.

Das aber folget an diesem ort / Vnd der
DERR sprach zu Mose / Siehe es ist ein raum
bey mir / da soltu auff dem fels stehen / Vnd
wenn meine Herrligkeit wird fur vbergehen /
wil ich dich in die fels klufft thun / vnd meine
hand vber dir halten / bis ich fur vbergehe /
Vnd wenn ich meine hand von dir thu / wirstu
mein hindersts sehen / Aber mein anges
sicht kan man nicht sehen. Die reden auch
zwo Personen Jehoua / Eine spricht / Wenn
meine Herrligkeit wird fur vber gehen / Dis
ist / die Person des Vaters / der vom vbergang
seiner Herrligkeit / das ist / seines Sons redet /
Vnd Er selbs der Son spricht / Er sey es / der
fur vber gehe / Das ist alles von Christo / Gott
vnd Menschen / hie auff Erden gegangen / ge
sagt / wie droben gehört ist. Das ander da
er spricht / Es ist ein raum bey mir / vnd was
er von dem Felsen vnd seiner hand vber Mos
se redet / bis er fur vber gehe / Verstehe ich als
so / Das Gott vmb des kunfftigen felses Chri
sti willen / das Volck des gesetzes oder Israel
dennoch geschutzt vnd erhalten hat / vnter
seiner gedult / weil sie das gesetze nicht halten
konden / auff welche weise Paulus Rom. 3.
redet / Das die Sünde so vnter dem gesetze
bleib / vnter Göttlicher gedult / zu dieser zeit sey
D h vergeben

D h vergeben